

明英宗實錄

卷七十七至一一五
正統六年三月至九年四月

大明英宗睿皇帝實錄卷之七十七

正統六年三月戊戌朔勅諭太師英國公張輔及五軍都督府兵部臣曰治國之務兵備為要將兵之道智勇為先必知之有素然後用得其人京師操練官自都指揮以下其間有通曉兵法才堪馭衆者知畧優長能達權變者經歷戰陣勇敢當先者武藝熟閑臂力過人者卿等具舉以聞朕將親閱焉自古安不忘危今雖小康宜存遠慮卿等先朝老成職專兵政務得真才以副朕望廣西恩恩府知府岑瑛受囑拔詐勘報事覺上以其土夷姑記罪命法司移文戒之增大同宣府屯田旗軍先是上諭總兵官朱冕譚廣等曰大同宣府歲用甚夥而屯田所入不及十一餘皆仰給於民今邊境寧謐軍士優閒宜廣屯田以紓民力至是二邊增屯田者六十七百餘人歲增千

粒四萬二十有奇其省歲費又二十萬有奇○己亥四川按察司按察使龔鉉以老疾上疏乞致仕從之○旌表孝子貴貴節婦盛氏烈婦彭氏等八人貴山東臨清縣人母有疾親嘗湯藥衣不解帶至辛丑土成墳廬墓三年表其門曰孝行盛氏直隸吳縣民姚宗敏妻鄒氏直隸長洲縣民陳俊妻周氏陝西乾州民吳珩妻劉氏江西廣昌縣民陳希溫妻周氏江西泰和縣民劉仕鴻妻蔣氏江西泰和縣民蕭壽妻俱喪夫不嫁守節自誓表其門曰貞節彭氏陝西平涼衛指揮僉事甘忠妻忠亡自經表其門曰貞烈○庚子命出直隸蘇州府官廩米二萬石造備倭船下行在兵部左侍郎于謙獄譙巡撫河南山西自陳在外年久乞召回京舉叅政王來孫原貞自代右通政李錫等劾其方命不忠上置之不問已而行在六科十三道交章劾之

上命紀其過至是謫還朝六科十三道復劾之遂下都察院獄
辛丑書復宣寧王遜料曰承喻府中缺人使用已令兵部移
文山西布政司於附近府內僉校尉二十名送府應用特用奉
報惟叔祖善過之 臣等河衛使臣帖木兒哈等辭歸命齋勅
及緣段表裏歸賜其在衛達官 大同總兵官武進伯朱冕有
疾遣醫馳視之 山東昌邑縣為事縣丞陶克敏奏臣交趾人
於黎利寇叛之際挈家來歸朝廷憫臣微勞命以官職近者坐
法當落職徒徃還伏望 聖恩俯垂矜憫 上曰遠人歸順不
可繩以常法其令於通州為民 巡按貴州監察御史王通言
比檢閱兵器損敝者多皆由所司不能以時修葺恐各處皆然
宜戒諭之事下行在工部請移文各處巡按御史及都司按察
司會同其可修者令修之不可修者改造之有侵欺者罪之

上曰可 士寅御馬監故太監劉順家人奏先臣存日欽賜并
自置庄田塌房米肉草場共二十六所其荊州草場等十所計
地四百六十八頃謹進入官餘十六所乞留與臣供祀從之
癸卯命廣西柳州衛指揮同知孫麒署都指揮僉事初監察御
史韋廣言麒才畧優長招撫蠻寇有功至是都司以缺官聞故
擢任之 詔廣西桂平縣大黃江口巡檢司置巡檢一員從知
縣余琮言也 行在大理寺卿王文等上于譴罪狀坐譴使罰
贖還職 上以狀示六科給事中完恭等言譴為臣不忠罪不
止徒逐并劾右都御史陳智及文等曲法庇護 上命禁錮譴
而宥智等 甲辰清明節遣官祭 長陵 獻陵 景陵 書
諭靖江王伍敬曰朕惟國家封建宗藩其禮制文移 祖宗已
有定制子孫當世世遵守況同氣至親尤須篤恩義相處用圖

寧永北聞王與奉國將軍佐敏數扣搆怨不知何為又聞佐敏
非禮妄為欲自來朝及各輔國奉國將軍有事亦多專擅自行
今遣勅戒飭佐敏不許來朝如已起程王即諭令回府并戒飭
各輔國奉國將軍俱不許違禮犯分此皆於王至親王宜推誠
善待兩盡其道永敦和睦不可互生嫌隙以傷大倫庶幾保守
宗祀副朕親親之意惟王亮之 書諭靖江王府輔國將軍贊
儼及奉國將軍佐敏等曰此者聞佐敏與靖江王興詞搆怨相
視如讐朕念親親屈法寬宥勅其各守禮法用篤親好今聞佐
敏欲親來京謝恩不啓王知私令家人擅於都司給引其男長
成當請名冠帶婚禮等事俱不啓王自擇桂林衛指揮之家葛
霽女成婚凡進表文不赴王府陪禮遇冬至元旦節行禮畢不
與王行禮及各輔國奉國將軍凡所行事亦多不啓王知恣意

專為 祖宗之法爾等可故違乎書至宜各革心悔過謹遵禮

法用圖保全佐敎屢諭不改不許朝如已起行亦即回府今後

各將軍凡有合行之事悉須咨王而行敢有仍前故違者 祖

宗之法具在爾等慎之慎之 乙巳直隸鳳陽府臨淮縣請修

紅心大石橋以便兩京驛傳往來從之丙午北京行太僕寺舉

直隸大名府及山東濟南等府正統五年舉生馬驪駒六萬一

千六百六十四匹 復除監察御史張謙於行在湖廣道葉清

於山西道謙以給假召回清以丁憂服闋也 戊申戶部右侍

郎王濬以老疾上疏乞致仕從之 己酉命北京武臣俸祿按

折銀者暫於淮安府常盈倉給米二月以其積多故也順天

平縣民趙福貴等十七人盜掠 山陵振木例當徙 上命分

劫各處山口揭榜號令以戒將來 庚戌命故金吾右衛指揮

使張本姪七十金吾左衛指揮同知石青子剛濟陽衛指揮同知高敏子銘羽林前衛指揮僉事姜英子廣金吾前衛指揮僉事朱義姪玉通州衛指揮僉事王信子敏俱襲職中都留守司奏皇陵諸衛所歲歉人飢上命有司發庫濟之俟秋成償官賜帑梁充河等衛野人女直色中哥等四川雜谷安撫司番僧偏出等西番夷人永隆監藏等鈔絲段表裏絹疋衣服執轡有差行在刑部主事楊祖言近日事例官吏人等犯枉法贓者發北方邊衛充軍臣按古者民年二十而兵六十而免蓋取其平力少壯也邊衛軍士晝夜守禦不拘寒暑今以老疾充軍不堪操守虛糜糧原有名無實臣請今後發遣充軍遇有年及六十而有疾病者止發終身擺站煎鹽炒鐵則行伍得人而糧不虛費因犯被役而罪無幸免矣事下行在刑部尚書魏

源等集議以為犯賊充軍者致欲抑挫姦貪果如祖言則人不
懣懼非所以示戒將來不可聽也 上以為然 辛亥元者右
衛女直百戶苦奴等永也吉等衛女直指揮阿正哥達東安樂
等州達官指揮田打水等俱來朝貢方物賜宴并賜絳帶等物
有差 太師英國公張輔等奏臣等奉勅推選武臣得署都指
揮僉事事指揮紀廣等四十四人驍勇有膂力及試弓馬熟閑
可以應詔 上曰為將非諳韜畧不可廣等其讀武經百將傳
講究方畧練習武藝俟試而用之 命故朵兒必河衛指揮僉
事以僧哥子阿出布朵充河衛指揮僉事阿苦察子阿剌孫扎
重衛指揮僉事猛哥充子塔哈納俱襲職 調行在刑部右侍
郎張鳳於戶部時戶部侍郎王濬致仕行在吏部言鳳堪代濬
故調用之 壬子行在戶部奏正統七年例當重造賦役黃冊

請預申明舊章榜示天下令民遵守從之 罷行在大理奇少
知李畛為民初畛奉勅考察官吏民有告肥鄉縣知縣許顯者
畛送刑部鞠而黜之顯許畛帶是隸田廣辦事官李福驕驕為
宿察院以私意黜已都察院為顯論辯欲追履福對理畛怒都
御史陳智不直已而庇顯即撫智諸違法事及稱初無廣福自
隨等情奏之 上命智自陳戒該道御史完顯務在公平智伏
罪 上貸智仍命刑部六科該道錦衣衛通理畛事於是給事
中御史交章劾畛及智且言右僉都御史丁瑤經歷熊尚初都
事金忠廉御史何永芳亦合逮寃 上曰畛為理官朝廷因恤
民瘼俾專考察既寵私人主事又挾私意陷人不服法司對理
妄捏風憲死罪不才如斯豈堪再用其罷為民智等其罰俸三
月瑤被差姑宥之 癸丑淮王瞻墺奏欲赴京朝覲 上念其

道途遙遠復書止之 掌遼東都司都督同知王真卒真泗州
盱眙人以定遼前衛指揮使累陞都指揮使洪熙元年陞都督
僉事仍掌司事宣德十年進都督同知至是卒遣官賜祭命有
司治葬事真資性質實臨事果決在遼三十餘年廉勤著聞邊
人信服 甲寅新建三殿以是日巳時上梁遣禮部尚書胡濙
祭告司工之神 致書代王桂曰聞世孫仕壻再娶有期其用
粧奩幣帛等物不能自備晉叔祖慈愛之厚宜分與妹米聽其
買用并復書世孫及勅長史紀善等官酌量給與不許稽悞
乙卯周府獲嘉縣主堯遣中官致祭命有司營葬 鎮守陝西
都督同知鄭銘言三事一關中旱澇相仍前後發官庫七十餘
萬濟之若責償於一時則民不堪命請量歲之豐凶以漸償官
其累歲逋負鹽鈔亦乞蠲免一各邊驛馬往者月給料豆九斗

近從人言盡革之甚不便乞仍支給一延安縣德通祖尤多請
量收布絹庶幾人易為力 上悉從之 山東備倭署都督李
福達令人張斌巡捕獲盜劉海縱之為人所訐按察使黃翰
因奏福另芳假以捕盜給批遣斌擾民俱當逮究 上命福自
陳福分辯辭直乃宥之 丁巳元塔里等衛女直指按弗羊古
等阿剌山等衛女直亦出哈等弗朵克河衛女直指揮歹真加
等俱來朝貢方物賜宴并賜絛帶等物有差 宥司設監太監
吳亮罪錦衣衛奉內使范好火者來福同管本監外廠私以廠
內閒地役人匠五十餘人與太監吳亮等種菜縱容人匠置飲
食之具以致火延廠房內竹木白藤車輛等料一百五十餘為
盡焚之犯總內官福安等不行嚴督亮等托言廠房日久俱當
鞠罪 上命司禮監記亮死狀宥之福安范好等并匠人錦衣

衛杖之令備官物 戊午行在錦衣衛指揮僉事掌鎮撫司事
王裕老疾乞以子瑛代職兵部言瑛例代裕前職副千戶 上
以裕勤勞有年特命瑛代為指揮僉事 亦馬剌衛指揮僉事
谷當哈老疾以子阿塔代之 韋直隸徽州府績溪縣西坑寨
巡檢司 翰林院侍講學士曾鶴齡卒鶴齡字延年江西泰和
縣人永樂辛丑進士第一擢為翰林修撰庚戌秋滿陞侍讀正
統戊午陞侍講學士與修 三朝實錄至是卒鶴齡為人和厚
易直交際以誠作文典實似其為人 己未初都督梁成署都
指揮僉事許瑛提督官軍牧放馬匹 巡按陝西監察御史馮
誠奏延慶等衛軍士選調數多乏人操禦請以舊募各衛軍餘
一千三百有奇給糧收操命下鎮守等官議僉謂宜從誠言第
今春深恐妨農作候秋成河凍赴操選春仍令屯種為便從之

命行在都察院右副都御史陳鑑理本院事以右僉都御史王翱代回故也 復雲南楚雄府定遠縣黑鹽井巡檢司土官巡檢樊真職真先以受賂事覺法司論當死遇赦免為民至是累陳其故父隨征功乞復職 上曰違方土人當寬惠以懷之樊真令復職若仍蹈前愆不更貸也 戶部侍郎張鳳將赴任奏乞便道還家展省父母墳塋從之 庚申行在府軍衛百戶黃輔奏 太祖高皇帝御製大誥武臣及勅諭宣諭訓戒錄護身保身勅具載將士撫綏之道也守之法古今武臣善可法惡可戒者盡訓萬世為武臣者宜服膺而恪遵之通者承襲幼官未嘗講讀罔知戒勉往往貪暴罹法乞勅五府及兵部申明舊章俾時熟誦庶廣習識知勸戒亦以保祿位於悠久 上允而行之 起復順天府宛平縣知縣馬俊俊聞父喪將去任部民

三百餘人奏其蒞下寬平乞留優任故有是命 調監察御史李奎行在山東道先是行在都察院以奎剝員咨送行在吏至是山東道閫御史故調用之 鎮守陝西都督同知鄭銘等請修建西鎮兵山神廟 上從其請仍戒所司毋過費毋重勞民毋貪酷取罪 辛酉給萬全陞慶左等衛官軍馬二百七十七匹 命試中書舍人陳學蔣宏黃米王崇余譙王譙王琮俞拱徐瑛何觀凌信俱實授中書舍人學等先以謄寫 宣宗實錄完校試中書舍人給半俸至是歷三年行在吏部以闕故有是命 壬戌湖廣九溪衛寨官舍人唐容等松潘等處番僧緯領等俱來朝貢馬及方物賜絳帶等物有差 雲南按察司副使劉潔奏雲南各衛所官軍之家多餘丁家人久服水土亦願自効請選撥各衛操練以備調用 上勅行在兵部尚書王驥

等議而行之 癸亥起復浙江金華縣知縣余寬寬以父喪去
知府蔣勸等為民奏保其能章吏幣得民心乞奪情視事故有
是命 直隸淮安鳳陽揚州三府滁和徐三州浙江杭州紹興
二府各奏歲歉民饑已發廩賑濟俟秋成償官從之 是日南
京大風折 葦陵樹三百餘株壞官民舟溺死者五十餘人
甲子命行在翰林院編修江淵賴世隆檢討李紹何瑄復任先
是淵等以刺員待次于家至是少師兵部尚書兼華蓋殿大學
士楊士奇等言本院闕官故召用之 章直隸興州石屯衛梁
河反嶺二驛 監察御史章珪等下獄初有旨做工犯人起土
填街申丙等二十七人因使掘土於 天地壇禁地行在刑部
以珪等係巡視等官俱合寬治 上命如律罪之仍枷號丙等
等於掘土之處 丙寅亦里察河衛女直古里麻等東寧衛達